

## Ἰωυλὸς Νυῶσιαῖς Παυλοῦ Λῶωανλίν Σίσί Κοριντοφῶ

<sup>1</sup> Μί Παυλο ἀνί ινα Βυλου ἀπέτό nabwé Kristo Yesu sumbí ὡῶπό mva aní πίο Timoteo dé ὡυλὸ ἀνφι wanlín.

Ανιδέ μό wanlín síσί Βυλου ὡpasua ἀνί ιβυ Κοριντο wúluto πύ Βυλου ahá ἀνί βυβυ Ακαία ὡυλόσυ φέέ.

<sup>2</sup> Ανι Σί Βυλου mva aní Wíe Yesu Kristo bugyíi mli buale, abvha mli iwilwii.

### *Paulo Bulu Ipańda*

<sup>3</sup> Μλίha akanfu Βυλου. Μυgyí aní Wíe Yesu Kristo mo Si pó mo Βυλου. Μυgyí aní Síá otowun aní nwe pó aní Βυλουá otolwíi aní klɔn ὡkpagyíῶkpasɔ!

<sup>4</sup> Otolwíi aní klɔn aní asɔn wunhe kugyíkɔtɔ, ménɔ aní é abétalí pó klɔn lwíihé ámóú anɔlanyá tsú mo wá ámv lwíi aní aba klɔn amó asɔn wunhetɔ. <sup>5</sup> Αhí ámóú Kristo léhie wun ipian kpɔnkpɔɔnkpɔntɔ, aní é anidé μό kv wúun amv a, alí kén Βυλου ná Kristosɔ ὡhíé ὡde aní klɔn lwíi ní. <sup>6</sup> Μό sv ní anidé ipian wúun a, mli iwilwii pó mli nkpahó sv anidé μό wúun. Tsúfé Βυλου dé aní klɔn lwíi, ménɔ aní é abólwíi mli klɔn, fówun mlétalí nyá klɔn, tomi wun aní ipian ámv odu kén. <sup>7</sup> Ifú medé aní mli sv, tsúfé aniyin ἀνί ania mlɔnyɔ dé ipian ámv wúun. Μό sv Βυλου obólwíi mli klɔn fé aní.

<sup>8</sup> Απίό, ιβυ aléá mlébi ἀνί ιwíɔsin ámóú anɔlówun Asia ὡmátɔ ámv ὡnó léhie wá ὡnlɔn. Ilekle dɔn aní. Ifú lekítá aní, aníkí ἀνί abówu kokooko. <sup>9</sup> Ἰnɔkwali asón, ιῶbwe aní fé bahá aní lowu ipón. Táme alhá anımóɔpv ansí díńká aní ιwisɔ, mboún Βυλουá

otakósua awupósú, su ɔɛba ali. <sup>10</sup> Lélé mú á, ɔɛɛ anɪ tsú lowutɔ. Anɪlahogyi ání obétsiá lé anɪ brégyíbré. <sup>11</sup> Ɔbéɛ anɪ, tsúfé mlídé mpái bɔ anɪ nwunsv. Inɪ sv ahá tsɔtsɔtsɔ bédá Bulu ipán anɪ nwunsv, tsúfé alawá awɪtɔɛ há anɪ, mpái ámúú ahá tsɔtsɔtsɔ bɔdɛbɔ há anɪ ámv sv.

### *Paulo Nɪhíé Tse*

<sup>12</sup> Abétalí pú ɪbɪ sí kántó anɪaa anɪ klɔn mókóhá anɪ pón anɪ nkpatɔ, títriu anɪa mɪnyɔ nátɪtɔ. Megyí anɪ ɔsulóv anɪsv nyánsa anɪlópɔv anɪdé anɪ agyómá yɔ, mboun Bulu awɪtɔɛ sù anɪlatálí lé ɪwɪtɔ anɪdé tógyítɔ bwe ɔnɔkwalɪsv. <sup>13-14</sup> Tsúfé megyí asón ání mlíméetalí kla, nu mú asɪ anɪtɔwánlín sísí mlɪ. ɪbv mótótá mlímédé mú asɪ nu yi, táme nahogyiá mlóbonu mú asɪ wankláán ekekó. Fówun mlɪ é mlétalí pú anɪ tsú ɪwɪ, fé alíá anɪ é abópɔv mlɪ tsú ɪwɪ anɪ Wíe ɔbáke amv.

<sup>15</sup> Mí ansí dɪn asón ánfɪsv. Mú sv nɔbwe agywun ání néba mlɪ wá, ménɪ mlénɪya oyúla anyɔ. <sup>16</sup> Múgyí, nótson mlɪ wá yó Makedonia. Ní neyínkí é nélatson mlɪ wá; fówun mlétalí sí mí ɔkpa, néyínkí ba Yudea ɔmátó. <sup>17</sup> Mléfité mlíaa, ntogyi sù nalátse mí agywun. Ntéɛ nabwé fé ɔyító ahá ámúú bɪteblí bɛɛ, “Ee” latsé amú ɔnó bɛɛ “O-o” amɔtɔ ɔkv? <sup>18</sup> Alɪ ámúú Bulu bv ɔnɔkwalɪ, ɔtamawá afunu amv a, alí mí “Ee” igyí mí “Ee” ní. <sup>19</sup> Tsúfé Bulu mv Bɪ Yesu Kristo amv tamablí ɔbéɛ “Ee” latsé mú ɔbéɛ “O-o.” Mv mú á, “Ee” kóún ototsúlá. Mv ɪwɪ asón ɔkan mía Silas pú Timoteo anɪléda súná mlɪ ní. <sup>20</sup> Tsúfé mɔtótólá “Ee” há Bulu nɪhíé kugyíkv ɪteba mótótó. Mú sù akánfú Bulu tá á, anɪteblí anɪaa, “Amen!” nɪ. <sup>21</sup> Bulu téhá anɪa mɪnyɔ anɪtetálí líú kínkíínkín anɪa Kristonyɔ ɪkɔɛbwɛtɔ. Múgyí ɔhá ání ɔɛda anɪ ofúli.

22 Mv kɛn lɔpɔ Ɔɲɛ Wankíhé amv wá anɪ klɔntɔ, púhíe anɪ nsɔ; isuna ání mubó anɪ, ɔbóbwe tóá ɔlehie há anɪ.

23 Bulu ɔbiti mí ɪsv ní megyí ɔɔkwali nde mli bláa. Alíá mméeba bowun tsitsa kɔkɔ blí tsú mli ɪwɪ sɔ mmétrá bɔtsɔn ɪnv. 24 Animédékléá ɪbóbwe fé anidé mli hie alíá mlɔpɔ mli hógyi yó agyómá. Mboún alíá ansí bégyi mli sɔ ania mlɪnyɔ anidé agyómá yɔ. Anɪyin ání mli hógyi sv mlilí kínkínkín dodo.

## 2

1 Mú sv nabwé agywun ání mmétrá ba bɔwa mli awɪrehɔ. 2 Tsúfé ní neba bɔwa mli awɪrehɔ á, ma ɔbéha ansí bégyi mli dɔn mli ámúú nawá awɪrehɔ ámv? 3 Mú sɔ nɔwanlín ɔwoló gyankpapɔ amv sísí mli ní. Fówun ní neba á, mli ámúú mléha ansí bégyi mli ámv mlíméela há awɪrehɔ mboún ɪkita mí. Tsúfé mí ansí dɔn mli féésú ání ní ansí de mí gyí a, mli é ansí bégyi mli. 4 Megyí ansigyí nɔpɔwánlín ɔwoló ámv. Asún ihíe de mí háan, ndesú asa nɔwanlín mú! Táme megyí alíá néha mlégyi awɪrehɔ sv nɔwanlín mó. Mboún alíá mlébi ání ntehié dwé mli sv.

### *Lakpansikié*

5 Ɔhá ámúú ɔlɔpɔ asún ba ɔpasua ámvɔ ámv mókópú ɔlala gyi mli. Ní beɛ bukú mú á, ɔpasua ámv féé alapú asún gyí. (Mmedékléá nɔdɔn mú blí.) 6 ɪsɔbiti ámúú mli ɔdɔdɔ mlilébiti mv amv ɪtsɔ mv. 7 ɪlafɔn ání mlésikié mv, yíá mv klɔn ngya. Fówun asún móɔdɔn mv, ɪwɪ móowu mv. 8 Mú sv nokókóli mli, mlile suna mv ání mlítráa mliɔv mv ɪwɪ ɔdwe. 9 Ndekléá nébi ní mlitegyi mí asún ámv féésú. Mú sv nɔwanlín ɔwoló ámv ni. 10 Ní mlesikié ɔkɔ á, mí é nasikié mv. Ní nesikié mv é á, mli sɔ nasikié

mυ Kristo idátó, ní ilehián ni, <sup>11</sup> ménι Θυvnsám oméenyα anι ιωι ɔkpa, tsúfé anιyin ikpa ání ɔtɔtsɔn mósó fée.

### *Paulo Klɔn Médi Mv Asι*

<sup>12</sup> Bréá nεba Kristo asɔn wankláán ámv ɔkan ɔdakpá Troa wúlutɔ á, nowun ání anι Wíe lafinkí ɔkpa há mí. <sup>13</sup> Táme mí klɔn médi mí asι, tsúfé mmɔtv mí píó Tito ιv. Mú sv neklá amó ká tsɔn yɔ Makedonia nsáintɔ.

### *Isvgyí Kristo Idátó*

<sup>14</sup> Táme ndε Bulu ipán da ání Kristo isvgyí sv alabwé anι ndoun, alakpá anι buo ιωι, anidé mv isvgyí amv nke gyí. Ní ayó ɔtínegyíɔtíne a, ɔtɔtsɔn anιsv bláa ahá ámv Kristo asɔn wankláán ámv, fé alhá ofobí fánfán tɔwá ɔfan yó tsútsúútsú. <sup>15</sup> Lélé mó á, Kristo gyí atɔ tɔhé, anιgyí mó ɔfan ání idεkusú há Bulu, há ahá ání bυδε nkpa nya pú amóá bυdefwι fée. <sup>16</sup> Itobon ahá ání bυdefwι, kpá amó ya lowutɔ, itɔwá ahá ání ɔde amó nkpa hɔɔ ɔfan, kpá amó ya nkpatɔ. Ma mee lófɔn ha gyɔma ánífi odu yɔ? Jhaa má ιv. <sup>17</sup> Anι mó anιmégyí fé ahá ɔdυdυɔá bυδε Bulu asún ámv fe púkle kóba. Iníá Bulu lówa anι sv á, anιteblí mó ɔnɔkwahιsv fé Kristo asúmbi ání bulí Bulu ansító.

## 3

### *Bulu Ntam Pɔpwe Asúmpó*

<sup>1</sup> Asún ánífi anidéblí ánífi itráa desuná ání anidé ιωι kanfó súná mli lóó? Ntée ilehián ání abópυ anι adánsιe nwoló bá mli, ntée abóhɔ mó tsú mli wá fé alhá aku butɔbwé? <sup>2</sup> Ekekeke! Mli onutó tsiátó gyí adánsιe nwolóá bawánlín dínká anι klɔnsv, ɔhagyíɔha dé mó wúun kla, póbí ání anidé agyúmá

wankláán yɔ. <sup>3</sup> Mɔgyí ɔwɔlɔ́a Kristo lówanlín, ɔlɔtsɔn anɔsɔ ba. Táme megyí oyípe ɔlɔpɔwánlín mó, Bulu Ɔkɔankpapɔ amɔ Ɔɣé ɔlɔpɔwánlín mó. Megyí abwi pétéplé anyɔsɔ\* é ɔlɔwanlín mó dínká, mbóún anyánkɔ́sa klɔnsɔ.

<sup>4</sup> Anɔsɔ ɔkpa blí alɔ, tsúfé Kristo sɔ anɔ ansí dɔn Bulusɔ. <sup>5</sup> Anɔyin ánɔ anɔmɔ́fɔn ánɔ abétalí bwé tɔtɔ anɔ onutó ɔwɔsɔ. Bulu sɔ anɔlɔ́fɔn ha tógyítɔ bwé. <sup>6</sup> Mɔláhá anɔlabwé mɔ ntam pɔpwe amɔ asúmpú. Megyí ɔbɔ Bulu lɔpɔwánlín mó mó, mbóún Ɔɣe Wankíhé amɔ. Tsúfé mbla wanlínhé amɔ ɔtɔpú lowu ba, táme Ɔɣe Wankíhé klé amɔ mó ɔtɔpú nkpa ba.

<sup>7</sup> Mbla dada amóú Bulu lówanlín dínká abwi anyɔsɔ amɔ ɔlɔpɔ lowu ba. Táme mó numnyam léha Mose ansítɔ lɔhɔe wankí asa ɔlɔpɔba Israelfɔ. Bréá numnyam amɔ ɔnɔ ɔde asɔbá ó á, bɔmetalí kɔ mɔ ansítɔ. <sup>8</sup> Iná mbla wanlínhé amɔ lénɔya numnyam alɔ á, mómó Ɔɣe Wankíhé amɔ gyumagyihɔe numnyam ɔbéhɔe dɔn mó! <sup>9</sup> Mbla wanlínhé amóú ɔtɔhá anɔtegyí ɔpón amɔ kóráá ɔbɔ numnyam. Mó mó nkálɔ Ɔɣe Wankíhé gyumagyihɔe amóú ɔhíe bɔ numnyam dɔn mó amɔ ɔbóbwe? Tsúfé ɔtɔhá anɔtegyí asɔ Bulu ansítɔ! <sup>10</sup> Mó mó idesuná ánɔ Bulu mbla dada amɔ ɔtráa ma numnyam kóráá. Pópwe anɔ numnyam lagi mósú. <sup>11</sup> Tsúfé ní Mbla dada amóú imetsiá wá ɔpá amɔ ɔbɔ numnyam alɔ á, mó mó pópwe anɔ ɔbétsiá bré féé anɔ klé ɔbéhɔe dɔn mó!

<sup>12</sup> Anɔ ansí dɔn ntam pɔpwe anɔfɔsɔ. Mó sɔ anɔsɔ ɔkpa tóí faan. <sup>13</sup> Anɔmégýí fé Mose ánɔ oletsíá pú tati bun nwun, ménɔ Israelfɔ bɔmóowun mɔ ansítɔ

\* **3:3** Abwi pétéplé anyɔ amóú Bulu lówanlín mɔ Mbla dú dínká mó só há Mose amɔ.

wankí, bréá mó onó ide asibá. <sup>14</sup> Táme mó óó á, Bulu léha amó kluntó lówa odwin bəfən nde. Mó sɔ ní buɔe Bulu mbla dada amɔ kláa amó ofiakpa a, butamanú mó asɪ, tsúfé tati amɔ létin amó agywun. Tɔtɔ méetalí bwíí tati amɔ lé amó agywunsɔ, nkéti amóa Kristo babwé kole. <sup>15</sup> Bótɔ nde kóráá ní buɔe Mose mbla amɔ kláa a, tati amɔ itráa bun amó agywunsɔ. Mó sɔ butamanú mó asɪ. <sup>16</sup> Táme ní ɔha onyá dámlí kluntó ba anɪ Wíe wá pé, Kristo labwíí tati amɔ lé mɔ agywunsɔ. <sup>17</sup> Anɪ Wíe amóú asón ánfɪ ɪdetóí tsú mɔ ɪwɪ amɔ gyí Ɖhé Wankihé amɔ nɪ. Ɖtínegyíɔtínéá Ɖhé amɔ ɪbɔ a, ɪwɪgyí tét síá ɪnɔ. <sup>18</sup> Anɪ Wíe dé tati amɔ bwíí lé anɪ féé ansító. Mó sɔ anɪdé mɔ numnyam amɔ ɪe súná ní. Mɔ Ɖhé amɔ lahá anɪdé mɔ lían, tsúfé mɔ numnyam amɔ itráa de wankí anɪtɔ tsía.

## 4

### *Ɖlótó Siadie*

<sup>1</sup> Bulu láwun anɪ nwe pú agyómá ánfɪ wá anɪ ɪbɪtɔ. Mó sɔ abatɔ tamawú anɪ. <sup>2</sup> Anɪlakíná tóá ɪbɔ péli pú oklúntɔ ató féé. Anɪmédé ahá mlé, anɪmédé Bulu asón amɔ é damlí bun. Mboún anɪdé onəkwalɪ amɔ onutó blí pólé ɪwɪ súná ahá féé, ɪwankɪ amó alíá anɪgyí Bulu ansító. <sup>3</sup> Ní tɔkɔ ɪbun asɔn wankláán amóú anɪdéblí amɔsɔ kóráá á, ahá amóú buɔefwɪ amɔ nkole ɪbun há. <sup>4</sup> Ɖbɔnsám gyí ɔyí laláhe anfisɔ ogyípó. Mɔlápú ató tin ahá ánfɪ butamahɔ Bulu gyí anɪ ansíbi. Mó sɔ bɔmédé asɔn wankláán amóú igyi wankɪ amɔ asɪ nu ní. Wankɪ amɔ gyí Kristo. Móléhiɛ lían Bulu numnyam nɪ. <sup>5</sup> Tsúfé anɪméná anɪmédé anɪ onutó ɪwɪ asón ɔkan da. Yesu Kristo ɪwɪ asón ɔkan anɪdéda anɪaa, mɔgyí anɪ Wíe. Tóá anɪteblí tsú anɪ ɪwɪ gyí, Yesu sɔ anɪlabwé mlɪ

asúmpú. <sup>6</sup> Tsúfɛ Bulu á múú òleblí òbée, “Wanki idáli tsu oklúntò!” á mú kén lahá mú wanki á mú idewankí aní klòntò. Ilahá anílabí á ní mú numnyam á mú idewankí Yesu Kristo ansító.

<sup>7</sup> Táme anígyí fɛ nló pwehé á ní siadiɛ bu mútò. Siadiɛ á mú gyí wanki múa túmi á ní idewankí aní klòntò. Idesuná á ní túmi kpɔ̀nkpɔ̀nkpɔ̀ntí á ní imotsú aní, Bulu wá itsú. <sup>8</sup> Bude aní háan òkpagyíòkpasú, táme bumòkótálí sá aní tin. Iwí de aní klí, táme imòkúkpɔ̀n aní. <sup>9</sup> Búdín anísu, táme Bulu múkúsí aní há. Butefin aní dá, táme Bulu sù anímókówú. <sup>10</sup> Aníatsúlá ide aní òyólòv aní ipian brégyíbré, anidéwu fɛ Yesu, méní mú nkpa á mú ibélin òwan anító. <sup>11</sup> Yesu sùm sù aní nkpa atsiápú aní anítefia lowu brégyíbré. Alíá ibóbwe mú nkpa bélin òwan aní òyólòv aní idewu á nífitò sù. <sup>12</sup> Iní désuná á ní lowu dé aní laláa, mlí é mlidé nkpa á ní itamatá nya.

<sup>13</sup> Táme aníbu músó anidé Bulu asún á mú òkan da. Tsúfɛ anílòhò mú gyí fɛ alíá Israel ìv òwapó á mú lówanlín wá Bulu asún á mútò òbée, “Nòhò Bulu gyí. Móláhá sù nde mú òkan da ní.” <sup>14</sup> Aníyin á ní alí á múú Bulu lókúsúa aní Wíe Yesu tsú afúlitò á mú a, alí kén òbókúsúa aní, òbékpa anía mlínyò fɛé ba mú iwí wá ní. <sup>15</sup> Iní fɛé bówa labi há mlí, méní ní Bulu híe òde awítòle wa, kpá ahá òdudúv ba Kristo wá á, béhie dá mú ipán, wá mú numnyam.

### *Hógyi Pwtsiá*

<sup>16</sup> Mú sù abató tamawú aní. Ibv mútòá aní òyólòv aní idewu mú, táme Bulu dé aní òkláa òwònlín wa ekekegyíeke. <sup>17</sup> Tsúfɛ iwíwòsin kpalóbí á ní anidéwúun séi á ní ibéha abénya numnyam kpɔ̀nkpɔ̀nkpɔ̀ntíá itamatá, idv̀n iwíwòsin á ní. <sup>18</sup> Mú

su animédé iwiasin ánfɔ anidéwúun anfi bu. Múá nyankpɔsa ansibi tamawun ɔkpa anidékú. Tsúfé iwiasin ánfɔ íbéba bɔtsɔn. Ansigyí ámóó íbu ɔma, íbétisiá bré fée ámu ɔkpa anidékú.

## 5

<sup>1</sup> Aní ɔyulúu anfi igyi fé kantankpa ání anitsie mótó. Ní bobwíé mú á, Bulu ɔbéha aní obu bámbá ɔsúsú. Mómó á, megyí nyankpɔsa léyi mú. Mu onutó léyi mú, imóobwie ekekeke. <sup>2</sup> Tsúfé séi kóráá ide aní ipian ɔsulúsu-ɔyulúu anfitɔ. Anihíé anigyó ekeá ɔbópɔ aní ɔsúsú-ɔyulúu wá aní fé atadie. <sup>3</sup> Mómó animóobwe fé ɔhéá ima ɔyulúu, aniná yayá. <sup>4</sup> Ide aní ipian, anidékumí bré ánfɔ anitráa anibu aní ɔyulúu dada anfitɔ. Megyí beɛ anidékléá awú, adali ɔyulúu anfitɔ. Mboún anidékléá Bulu ɔwáa aní ɔsúsú klé amóó ítamawú plá ámu, méní íbégyi mú ánfɔ itowú plá ánfɔsu. <sup>5</sup> Bulu onutó léla aní yáí há mú, ɔlɔpɔ Ɔɣe Wankíhé amu wá anitɔ. Mógyí íbwiá ɔledinká mósó ní.

<sup>6</sup> Mú su anitɔwá klɔn brégyíbré. Íbu mótóá bré ánfɔ anibu ɔsulúsu-ɔyulúu anfitɔ á, anibu ífó aní Wíe wá. <sup>7</sup> Iní su hógyi anɔlapó anitsie nkpa, megyí tóá ansibi dewúun. <sup>8</sup> Ee! Anihíé anidé klɔn wa, tsúfé tóá anihíé anidédunká gyí abówa ífó ɔsulúsu-ɔyulúu anfi wá, ayetsiá aní Wíe wá. <sup>9</sup> Mú su ní anibu ɔsulúsu nfi o, ɔtɔne bambá o, tóá idɔn aní klɔnsu bré fée gyí, abóbwe tóá íbégyi aní Wíe ansí. <sup>10</sup> Tsúfé aní fée abéyélí Kristo ansító, obégyi anitɔ okugyíɔku asón, ká mu íkɔ aní ɔsulúsu-ɔyulúu anfi bwehé ɔnó. Yilé igyi o, lalahɛ igyi o.

*Bulu Onyawiele*



11 Anihíe anyin ání ilehián ání abénya aní Wíe ifú. Mú sù anídétóí kplá ahá aníaa, amó é bunyáa mu ifú. Bulu híe oyin aní. Nahogyi ání mli é mliyin aní mli klóntò. 12 Megyí iwí anítráa anídétsu súná mli. Mboún anídé mli òkpa suná, ménì mlótsu iwí aní sù. Fówun ní ahá búde iwí tsu tóá òha tǒpó ansíbi wun sù, imegyí tóá íbù òha klóntò sù á, mlénýa kù bláa amó. 13 Tsúfè ní bée aní nwun layíntá kóráá á, Bulu asón igyi. Táme ní bée aní ansító da mú á, ida ha mli. 14 Ódwe amóú Kristo bú ha aní ámu dé aní kpa, tsúfè anílanú iwíasi ání mu nkole lówu há ahá fée. Mú sù muv ahá fée bawú. 15 Olowu há ahá fée lélé, ménì ahá ání bénya nkpa pǒpwe amù bómétrá tsiá nkpa alíá bodeklé. Mboún bétsiá nkpa há Kristo amóú olowu, Bulu lókusóa mu há amó ámu.

16 Iní sù anítráa anímédé òhaa kí fè alíá óyító ahá búteki mu. Íbù mútótá bré ámu anilétsiá kí Kristo fè alíá óyító ahá búteki mu, táme anítráa anímédé mu kí alí. 17 Mú sù ní òha muv Kristo bǒbwé ikule a, alabwé òha pǒpwe. Mu tsiátó dada amù fée ílatsun. Mu tsiátó labwé pǒpwe! 18 Nkpa pǒpwe anfi itsú Bulu wá. Múlótsun Kristosù bwé aní anfi anigyí mu alupú anfi mu anyawíe. Alapó agyómá anfi wá aní íbitò, òbée alée aha bambá é anyawíe ha mu. 19 Tsúfè Bulu lótsun Kristosù òde óyító ahá damlí bwé mu anyawíe. Ótráa òmedé amó lakpan iwí akúnta bu há amó. Iní òlǒpùwá aní íbitò òbée, abláa ahá ní.

20 Kristo atsiámì anigyí, Bulu détóí tsun anisù há mli. Mú sù anílíí Kristo òlúkpá anídé mli kokóli aníaa, “Mlíha Bulu òbwe mli mu anyawíe!” 21 Tsúfè Kristo móbwe lakpan kùkù! Táme Bulu lópu mu bó afòdié aní lakpan sù, ménì òbótsun ania múnýò

ikolebwesu tsú aní aní aní asón da ɔkpa mu ansító.

## 6

<sup>1</sup> Ania Bulunyɔ anidé agyómá yɔ. Mú su anidé mli kokóli aniaa, mli máha Bulu awitɔle amóó mli lanyá ámu ibwe kpaali. <sup>2</sup> Tsúfɛ Bulu lébli mu asun wanlínhé amvɔ ɔbɛɛ,

“Bréá mí bré lɔfun aní nówun ahá nwe a,  
nonu mli ɔme.

Mí nkpa ɔhóke amv lɔfun é á, negyi mli buale.”

Mlinu! Bré ámu lɔfun a. Nde gyí mli nkpa ɔhóke amv ni!

<sup>3</sup> Animédékléá abétin ɔhaa aní Wíe wá ba ɔkpa, méni ɔhaa ménya asvansu bli tsú aní agyómá ánfɛ iwɪ. <sup>4</sup> Mboún aní bwehé féétó a, anitelé súná aní Bulu asúmbi anigyí ɔɔkwalisu. Anitotomi aní iwɪasun, aní ikplán pú aní asun wunhe kugyíku étó. <sup>5</sup> Bepítí aní ató, wá aní obu, bekpa bun anisu dá aní. Anilóyɔ agyómá aní idun aní. Nkekó anitamadídi, nkekó é anitetsiá akón. <sup>6</sup> Anilótson aní tsiátósu lé súná aní ifin kuku má aní iwɪ. Aniyin asón, anitenyá iklon. Anibu awitɔle, Ɔye Wankíhé amv tsie anitɔ. Anitehíé dwé ahá é tsú aní kluntɔ. <sup>7</sup> Anitedá Bulu asón ámu ɔkan ɔɔkwalisu pú Bulu túmitɔ. Yilébwe gyí isá-akótá anidépukó ahá, anidépɔtin aní iwɪ é. <sup>8</sup> Aku butobú aní, aku é butósopa aní. Aku butekánfó aní, aku é butɔkpóí aní. Aní asón da ɔkpa, táme buɔe aní bu afunupu. <sup>9</sup> Fé animégyí tɔtɔ ahá ansító, táme ahá anigyí. Fowun aní fɛe anidéwu ní, táme ki, anibu nkpa. Butesian aní mɔ, táme anitedáli mútɔ. <sup>10</sup> Anibu iwɪasuntɔ, táme Kristo su anibu ansigyító. Ahiánfɔ anigyí, táme anilahá ahá bamli iwɪ anyapó. Animá tɔtɔ, táme anibu tógyító Kristo su.

11 Korintofō! Anitehié nyá mli iwí ansigyí, lé iwíto bláa mli asón. 12 Anitamakólá iwí mliw, táme mli mó mliδέ iwí kulá aniw. 13 Nde mli asón bláa fé mí onutó abí. Mli é mliwápu aswansu njáin ani.

### *Omátófo Pvgyi Mba*

14 Mliw omátófo mliwágyi mba. Nkáli yilé móa lalahé bétalí tsiá tsukule? Nkáli wanki móa oklún é bóbwe kule? 15 Kristo mwa Obwansám\* bétalí bwé agywun kule? Ekεεεεε! Nkáli ohógyipu mwa dhá aní oma hógyi bóbwe kule? 16 Nkáli bótswε okpi Bulu otswékpa? Tsúfé anigyí Bulu Okiankpapu amu otswékpa ni. Igyi fé alhá bowanlín wá Bulu asón ámutō beε,

“Bulu obéε, ‘Nétsiá mí ahátō,  
mía amónyo abénatí.

Nóbwe amó Bulu,  
amó é bóbwe mí ahá.’ ”

17 Bowanlín wá Bulu asón ámutō é beε,

“Ani Wíε Bulu obéε,  
‘Mlidali amótō, amlumain iwí le amósó.’ ”

Betrá wanlín wá Bulu asón ámutō beε,

“Mliwáwa ibi lalahetō,  
mí anho mli.”

18 Betrá wanlín wá Bulu asón ámutō beε,

“Bulu obéε, ‘Nóbwe mli Sí,  
mli é mlóbwe mí abí.’  
Alí aní Wíε Otúmípu déblí ní.”

## 7

1 Mí apió adwεpó, Bulu lahié ntobiá igyi alí yái ani. Mó su mliha afwí ibi le tógyítōá ibókpoi ani oyulúvú pú ani oklāa féétō. Mliha anya Bulu ifú, méní ubéha aní iwí bétin, ifin kuku méétrá tsiá aní iwí.

\* **6:15** Paulo létí Obwansám obéε, ‘Belial.’

### *Paulo Ansigyi*

<sup>2</sup> Kókoli, mlímákwá iwí aniso! Animókópó lalahe gyi ɔhaa. Animókóyíntá ɔhaa, animókósísi ɔhaa é. <sup>3</sup> Megyí ipón nde mli ha sù nde asón ánfí blí. Tsúfé nablí bɔtsun mbéé, anitekile mli asón. Lowuto o, nkpatɔ o, animéetan mlisu ekekeeke. <sup>4</sup> Ntetáí bla mli mí klɔntɔ asón, nde iwí é tsu mlisu wankláán. Aní ipian f́éé ɔma a, mlilawá mí atetɔ-onlɔn. Ansigyí kpɔnkpɔnti kv labúlá mí klɔntɔ.

<sup>5</sup> Tsúfé bréá anilówie Makedonia a, animénya ɔkpa dá ɔkpónó. Atsun nfi asón, ayínkí nfi itré. Mú su ifú letsiá aní ayetɔ. <sup>6</sup> Táme Buluá otolwíí ahá ámúb iwí lawú amó iklɔn amv lékpa Tito ba aní, púlwíí aní iklɔn. <sup>7</sup> Megyí mv íbá amv nkule léha iklɔn lólwíí aní, mboún asón aní ɔlɔpɔtsúa mv ba é. Ɖlebláa aní ɔbéé, mlihié mliδέκλέá mlówun mli. Alíá asón ámv lahan mli, mlilanú iwiasí aní mlímébi bwé pó alíá mlilahíé tsúlá dínká mí klésu, su ansí letrá gyi mli tsía.

<sup>8</sup> Tsúfé ní mí ɔwoló ámɔtɔ asón lehan mli kóráá á, mí mó imehan mli. Ibo mótáá ɔlehan mli bré kvɔtɔ, tsúfé nowun aní ɔleha awirehɔ lékitá mli kpalobí. <sup>9</sup> Ansí de mí gyí séi. Megyí alíá ɔlɔwa mli awirehɔ su. Mboún alíá awirehɔsú amv ɔlahá mliladámli klɔntɔ su. Tsúfé mli awirehɔsú anfi odu Bulu tekile ni. Mú su mí asón ámv imeyintá tɔtɔ tsú mli iwí. <sup>10</sup> Tsúfé awirehɔsúá igyi Bulu apé tɔpó klɔntɔdamli bá. Itehá anitenyá nkpa. Mú odu bv ɔsin, támé ima ɔsin. Ɖyítɔ awirehɔsú mó á, lowu itɔpóba. <sup>11</sup> Mliki t́á awirehɔsúá igyi Bulu apé latí há mli! Ɖlahá mlilatsú iko lé asón ámɔtɔ, mliδésuná aní mli asón da ɔkpa su ɔbló é de mli. Ɖlatsíí mli opúni, ɔlahá mlihié mliδέκλέá mlówun mli, mlilatsúlá dínká mí

klésu. Mlɛhíé mlɛdédunká ání mlɛbutí lalahɛ ɔbwɛpó ámu ɪsu. Lélé, mlɛlálé súná ání mlɛmégyi pón asún ánfɛtɔ.

<sup>12</sup> Nɔwanlɛn ɔwɔlɔ sísí mɛlɛ, támɛ megyí ahá ánfɛ su. Megyí ɔhá ámú ɔɔbwɛ ɪlá, ntéɛ ɔhá ámú ɔɔpɔ ɪlá gyí mu amu su. Alɛ ná nɛlɛ súná mɛlɛ Bulu ansító ání mlɛlatsúlá dínká mí klésu mboún su. <sup>13</sup> ɪnɛ lahíé wá anɛ atɛtɔ-ɔnlɛn.

Móá ɪdɔn kóráá á, ansí legyi anɛ, bréá anɛlɔwun ání mɛlɛ fɛé mlɛlahá ansí de Tito gyí, tsúfɛ mlɛlahá ɪklɔn ladí mu asi. <sup>14</sup> Ní nɛkanfó mɛlɛ mu ansító kóráá á, mlɛméha péli mɛkítá mí. Alɛ ámú asún ámú anɛlɛbláa mɛlɛ ámu fɛé igyi ɔnɔkwali amu a, alɛ kanfó ámú nɛkanfó mɛlɛ mu ansító ámu é laba mótó ní. <sup>15</sup> Ní Tito ɔkáin alɛá mɛlɛ fɛé mlɛteyaa asu há mu, hɔ mu asun blíhé, pú alɛá mɛletenyá ifú kpínkí mu ansító á, ɔtɛtráa nya mɛlɛ ɪwɛ ɔdwe tsía. <sup>16</sup> Ansí ɪhíé de mí gyí ání nɛtalí pú ansí dínká mɛlɛ ɔkpagyíɔkpasu.

## 8

### *Akristofɔ Atókíe*

<sup>1</sup> Apíó, anɛdɛkléá mlɛbí awɛtɔlɛá Bulu lawá há ɔpasua ámú bɔbɔ Makedonia ɔmátó ámu. <sup>2</sup> ɪnɛá bɔbɔ ipian móa asun wunhɛ tsɔtsɔtsɔtɔ kóráá á, bɔpɔ amó ohian futútúútú lé amó awɛtɔlɛ kpɔnkpɔnkpɔntɛ súná ansigyísú tsun amó atok-ɪehétó. <sup>3</sup> Nɛblí mbéɛ, bekie ató dɔn alɛá bɛtalí kóráá, tsú amó klɔntɔ. <sup>4</sup> Betsiá kólí anɛ ɔkpa bɛɛ, ahá amó é abɔnya ɔkpa wa awɛtɔlɛ ha Bulu ahá ání bɔbɔ Yerusalem. Fówun amó é amó ɪbɛ bówie osum agyómá ánfɛtɔ. <sup>5</sup> Bɔbwɛ dɔn alɛá anɛlɔsusúu. Gyankpapo a, besi amó ɪwɛ há anɛ Wíe, belasí amó ɪwɛ há anɛ Bulu apétó. <sup>6</sup> Mó su anɛlahá Tito amú

olegyankpá beha mlilówa nsi ámu aniaa, ɔtráa yinki beha amlíwa nsi mɔ mlí awítɔle agyómá ámu ɔnó wankláán. <sup>7</sup> Mlilafɔn ɔkpagyíɔkpasu, tsúfɛ mlíhíe mlibu hógyi, mliyín tɔ́, mlilétin ansí. Tɔtɔ tamakpɔn mlí, mlítehíe dwé aní é. Ndekléá mlibóo mbódí awítɔle agyómá ánfí étó dɔn ɔhagyíɔha.

<sup>8</sup> Mmɛdé mlí hie mbéɛ, mlibwéɛ mú. Mboún ndepu mlí ɔdwe kápó akvá buɛpríu aní amú é bóbuá. <sup>9</sup> Tsúfɛ mliyín alíá aní Wíe Yesu Kristo lódwɛ ahá, wá awítɔle. Iwí onyapó ogyi tekí, táme aní su ɔlɔbwe iwí ohíáni, méní abótsɔn mu ohian ámuɔ buwé iwí anyapó.

<sup>10</sup> Mí agywun gyí, ní mlómó agyómá ámuó mliléfi así ofíku ámu ɔnó á, íbówa labí há mlí. Tsúfɛ mligyí ɔpasua gyankpapu aní mlilóbwe agywun ámu, mlí kén léfi mú así. <sup>11</sup> Mlíwuna bwe mú mɔ ɔnó. Mlíle íklɔntɔ bwe mú, fé alíá mliléfi mú así. Mlíkie mú mlí ɔwɔnlín ɔnó, méní íbékánáa agywun ámuó mlilóbwe ámu. <sup>12</sup> Ní ihíe igyi mlí apéá mléha á, mlíkie tɔ́á mlibu. Mútegyi Bulu ansí, megyí múá mlímá.

<sup>13</sup> Megyí beɛ, anídekléá abéha iwí bólwií aku, iwí íklí mlí mú; mboún alíá iwí bólwií mlíá amónyɔ féé kékéɛ. <sup>14</sup> Séi mlibu ató tsɔtsɔ́á mlétalí póbúá amó. Mómó ní iwá alé há amó, iwí leklí mlí é á, amó é bétalí bóa mlí, méní mlíá amónyɔ féé mlénya kékéɛ. <sup>15</sup> Mlíkaɔn aní Bulu asɔn wanlínhé amú léblí ɔbéɛ, “ɔhá ámuó ɔlekpa tsɔtsɔ́tsɔ́ ámu ménya mú dɔbí. ɔhá ámuó ɔlekpa kpalobí ámu é klé lɔfɔn mu.”

### *Tito Mva Mv Aba*

<sup>16</sup> Adá Bulu ipán aní alahá Tito é latsúlá dínká mlí klésu fé mí. <sup>17</sup> Bréá anilówa mu aniaa ɔbá mlí wá á, olotsulá. Mu onutó óó, íbu mu ɔdwe aní ɔbétrá

ba mu. <sup>18</sup> Anidé muva opíó òku wa sísí mli. Ɔpasua ámu fée buɔe mu kanfú, asun wankláán ámu òkan da su. <sup>19</sup> Makedonia ɔpasua ámu fée léle mu ání ania muɔyɔ anátí ki, ahɔ atokiehé ámu ya Yerusalem. Anidé ató ání bwe pówá aní Wíe numnyam, méni ibósuná ání aní onutó latsú dínká iwisu ání abóbwe mó.

<sup>20</sup> Anidé aní iwí kú wankláán, méni ɔhaa méele aní ilá, tsú alíá anilópu anidé atokiehé ámu su kú.

<sup>21</sup> Tóá anidésusú gyí, alíá abóbwe múá ida òkpa Bulu muva anyánkpósa fée ansító.

<sup>22</sup> Iní su anilapó aní apíó ámuɔɔ òku mántá Tito anásó. Anilasɔ mu ki, anilawun ání ɔhíé ɔbu nsi. Alahɔ mli gyi séi. Mú su ɔhíé odekléá ɔbétsa aní agyómá ámu yɔ. <sup>23</sup> Ní òku léfité mu su á, mlibla mu mlíaa, mía muɔyɔ dé agyómá yɔ pósúm mli. Makedonia ɔpasua lówa apíó atráhe amúú muva amúnyɔ bebá ámu. Iní désuná ání Kristo buɔe numnyam wa. <sup>24</sup> Mú su mlile mli ɔdwe suna amú. Isuna ɔpasua ámu fée ání mli su aníbu òkpa tsú iwí.

## 9

### *Akristofɔ́ Bvma Tɔ́ɔ Bvɔ́*

<sup>1</sup> Imehián ání nówanlín mli ɔwɔlɔ́ tsú alíá mlidé Bulu ahá ání buɔbu Yerusalem buá iwí. <sup>2</sup> Tsúfɛ nyin ání mlihié mlidékléá mlóbúá amú. Nagyí mli iwí adánsíe súná amú mbée, tsú ofíku ɔpá Akristofɔ́á buɔbu Akaiia ɔsulósu beɔa iwisu yáí ání bóbúá. Mli nsiwa lahá ogyá ku lawíé amú ɔɔɔɔɔɔɔ. Mú su amú é bafi mú asi. <sup>3</sup> Táme nde apíó ání wa sísí mli, isuna ání megyí kpaali negyi mli iwí adánsíe súná amú. Mlída iwisu, fé alíá nebláa mli yáí, amlíka mli tswítswí fée. <sup>4</sup> Tsúfɛ ní Makedonia Akristofɔ́ ámuɔɔ

aku bobuo mi ba unu, bowun ání mlímókódá iwisu fé alíá nebláa amú á, abósupáa amú ansító, táme mlósupáa dun mi. <sup>5</sup> Mú su nabwé agywun ání néha Tito mu aba ámu abugyankpa ba mli wá, íha amlidunka tóá mliléhié ání mléha yáí. Táme mliha mó tsú mli klontɔ, megyí ohíé igyi.

<sup>6</sup> Mlikain ání ohá ání odú kpalobí á, kpalobí otákpótí, táme ohá ání odú tsotsɔ tɔkpótí tsotsɔ. <sup>7</sup> Mlitɔ okugyiáku oháa móá obétalí tsu mu klontɔ. Imábwe ohíé, tsúfé ohá ání otápú odwe kíé ató asón Bulu tekle. <sup>8</sup> Bulu téhá mli tóá mlidéhián brégyíbré, dun alíá ilehián mli. Mú su mlénya tóá ide mli hián brégyíbré. Ibófun mli sian, mlópwbwé yilé há aha bambá. <sup>9</sup> Fé alíá bɔwanlín wá Bulu asón ámuto beɛ,

“Bulu oha telé iwitɔ kíé ahiánfɔ ató.

Mu yilébwɛ tamatá.”

<sup>10</sup> Bulu téhá adotɔpu ató-abí bɔtodú, otehá ahá atogyihe. Mligyi fé amó. Obéha mli ató-abíá mlópu iku kíé ahá, atogyihe tsotsɔtsɔ bédali tsu mli yilébwɛ ámuto. <sup>11</sup> Obéhié yúlá mli okpagyiákpasu, méni mlówa awitɔle há ahá brégyíbré. Iní íbéha ahá ámu béda Bulu ipán, ató ámú mlilapótsun anisu há amó ámu su. <sup>12</sup> Tsúfé atoku anyɔ obédali tsu mli atɔ hahé ánfítɔ. Megyi ató ámú mlilapóhá Bulu ahá ámú ató de amó hián, bɔbu Yerusalem amu nkule, mbouin íbéha ahá tsotsɔtsɔ béhié dá Bulu ipán. <sup>13</sup> Tsúfé ní mléhá amó á, íbéha békanfú Bulu. Ibósuná ání lélé mlidé Kristo asun wankláán ámú mlilóho amusu gyí, mlidé awitɔle é wa há amúa aha bambá. <sup>14</sup> Béhié káin mlisu, bó mpái há mli, tsú awitɔle kpɔnkpɔnti ámú Bulu lapóhá mli ámu su. <sup>15</sup> Adá Bulu ipán há mu atokiehé ánfí idun blí ánfí!



# 10

## *Paulo Gyumagyihe Onóle*

<sup>1</sup> Ibu mótóá mlito aku mlitebli mliaa, ní mbu mli wá á, mí asón lolwií, táme ntəwánlín mí nwóló túmisu. Táme mí Paulo nde mli kokóli mbéé, mliṗókí alá Kristo asón lolwií, ɔleba iwiasí.

<sup>2</sup> Mlito aku budebli beé, mí bwehé lalian ɔyító ahá. Mú su ní netrá ba ɛnu á, nawun ání ilehián ání mí ansító bówa ɔnlín. Kókoli, mli máha ampɔ tsiátó anfi odu ba ɛnu. <sup>3</sup> Ibu mótóá ɔyí ánfito anibu, táme megyí ɔyí anfito agywun anidépókó ísá.

<sup>4-5</sup> Megyí ɔyító akotó anidépókó. Bulu akotóá ibu túmi anidépɔwíé okpikplikpa kugyíkúá itokósú lí Bulusu. Anitəpúyíntá afunu asón kugyíkúá ahá butəpótsú iwí, itehá amó butamabí Bulu. Anitəpódámlí agywun laláhe kugyíkú, há itobú Kristo. <sup>6</sup> Ní mli aha tráhe amu mli lapó iwí há Kristo, mli dé mu asónsú gyí a, abébití ahá ámúú bude asutə ɔnlín wa ámu é asu.

<sup>7</sup> Mliki ɔnəkwalí amúú ida mli ansító ámu. Ní mli dékúá Kristo bú mli á, mómú mliki mó wan-kláán, amlibi ání mubú aní é. <sup>8</sup> Ní nde iwí tsu túmi ámúú aní Wíe lapóhá aní ámu su dubi a, ima mí péli. Tsúfé ɔləpohá aní ɔbéé, apóbuva mli amlidan. Megyí ɔbéé, apúyinta mli. <sup>9</sup> Imábwe mli fé nde nwóló wanlín, pówá mli ifú. <sup>10</sup> Tsúfé aku beé, “Mákpla Paulo. Mu asun wanlínhé bu odwin, ɔtəpóhíé ahá. Táme ní mu onutó ɔbu aní wá á, lolwií, mu asun blíhé é ima ibíá!” <sup>11</sup> Iwánkí ahá ámu ání asón ání anitəwánlín sísí ahá kén anitəbwé ní anibu amó wá ní.

<sup>12</sup> Lélé mó á, amendí anigyíá abópu iwí kápú ahá ánfí bude iwí kanfú ánfí? Amó wolewole dépu iwí kápú aba, bude ansí pudínká abasu. Mimlá

igyi amó. <sup>13</sup> Aní mó anímóotsu ɪwɪ dáfá, mboun ɔkpa ámú Bulu léhɪ há aní ámó ɔnó abótsu ɪwɪ fon. Mógyí agyómá ání anɪlabwé bɔtu mɪ ní. <sup>14</sup> Anilégyankpá pú Kristo asɔn wankláán ámó ba mɪ. Mú sɔ ní anidé mɪ asón bláa a, anímókútí dáfá. <sup>15</sup> Animédépu ɔhaa agyómá é tsú ɪwɪ. Mboun anidé ɔkpa kí ání mɪ hógyi bédan. Agyómá ámú anidéyɔ mlɪto ámó é ɪbékléi tsía. <sup>16</sup> Mómú abétalí dáfá mlɪsɔ yéda asɔn wankláán ámó ɔkan ɔmá bámbá ésú, ménɪ ɪmóɔbwe fé anɪlapó ɔtínéá ɔku lagyankpá yó agyómá tsú ɪwɪ.

<sup>17</sup> Táme Bulu asɔn wanlínhé amó léblí ɔbéɛ, “Ohaгыíha ání ɔbéɛ, mótsu ɪwɪ á, ɔpú tóá aní Wíe labwé tsu ɪwɪ.” <sup>18</sup> Tsúfé ní Bulu ɔkánfó fó gyí asón, ɪwɪ kanfó mó kpaalí ígyi.

## 11

### *Paulo Mva Sumbi Ayɔpó Afunupu*

<sup>1</sup> Mɪnya klɔn, amlɪnu mí mimlála kpalobí ání asi! Kókoli, mɪnya klɔn ha mɪ. <sup>2</sup> Mmesi mɪ tswɪ fé alá Bulu tamasi mɪ tswɪ. Tsúfé mɪgyí fé obitebíá omeyín oyin, napú mɪ há oyin ɔkɔɛ, ogyi Kristo. <sup>3</sup> Táme alí ámú ɪwɔ ámó lópu mu alape mlé Hawa amó á, ifú de mí ání ɔku ɔbémlé mɪ, mɪ ansí bédɪnkí ɔnɔkwalɪwa pú ɔdwe wankíhé amú mɪbɔ ha Kristo amosɔ. <sup>4</sup> Tsúfé nyin ání ní ɔku ɔbá beda Yesu bámbá ɔku ɪwɪ asón ɔkan súná mɪ, imegyí ɔmɔamú aniléda mu ɪwɪ asón ɔkan súná mɪ ámó a, mlókɔsí hogyi. Ní mlenyá ɔhé bámbá kvá ina ɔtsan há móámú mɪlégyankpá nyá ámó é á, mlóhɔ mó gyí. Alí kén ní mlonú asɔn bambá ání ina ɔtsan há móámú anilébláa mɪ ámó é á, mlókɔsí hɔ mósú gyí nɪ!

<sup>5</sup> Mmedéhógyiá ahá ánfí búde iwí tì “Sumbí ayọ́pú akpónkpòntì” ánfí bọ́dun mì ọ́kpa ọ́kọ̀kọ̀sù. <sup>6</sup> Ní mmeyín tọ́í kóráá á, nyin asón ání ndẹ̀blí. Nahogyiá aniláhá asón ánfító ilawánkí mli ọ́kpagyíọ́kpasu.

<sup>7</sup> Iníá nọ́pu iwiasibá pọ́ obú há mli bréá nẹ̀da Bulu asun wankláán ámu ọ́kan súná mli, mmọ́họ́ mli tọ́tọ́ sù yéé tsitsa nọ́bwe á? <sup>8</sup> Ọ́pasua bámbá ató nọ́swí, póbá bọ́yọ́ agyómá há mli. Mú sù nẹ̀talí sùm mli, mmọ́họ́ mli tọ́tọ́ nì. <sup>9</sup> Bréá mbu mli wá, iwí lekí mí á, mmesi ipian tswí mli tọ́ ọ́kọ̀kọ̀sù. Mboún apíó ámu bọ́tsu Makedonia ba amu léha mí mí atohiánhẹ. Iní sù mmesi ipian dínká mli tọ́ ọ́kọ̀kọ̀sù, mméesi dínká é. <sup>10</sup> Iníá ọ́nọ́kwali nẹ̀nya ndẹ̀blí tsú Kristo iwí mú á, ọ́haa méetalí ká mí itin ọ́béé, mmápu asón ánfí tsú iwí Akaia ọ́sólọ́sù fẹ́é. <sup>11</sup> Ntogyi sù? Ntamadwé mli lóó? Ekekekeke! Bulu yin ání ntọ́dwé mli!

<sup>12</sup> Nọ́bwe mí agyómá fé alá nde mú bwe dodo. Nọ́bwe mú pótin amú ọ́kpa, ní búde iwí tsu bẹé, gyuma kule ania amúnyọ́ anidébwe. <sup>13</sup> Afunupu bogyi. Bapina bwe iwí fé Kristo sumbí ayọ́pú, buna búde mli mlé. <sup>14</sup> Táme ima wánwan! Tsúfé Ọ́bunsám kóráá tekí ansí bwé iwí fé Bulu-ọ́bọ́pu wankíhé! <sup>15</sup> Mú sù ima wánwan ání mu asúmpọ́ anfi é bapina bwe iwí fé yilé abwepú. Amú ọ́nọ́mọ́ bẹ́le amú bwehé kugyíku ọ́wan.

### *Paulo Asun Wunhe*

<sup>16</sup> Ntráa nde mli bláa mbéé, ọ́haa mábu mí ọ́ha mimláhẹ. Táme ní mlidé mí bu alí óó á, mlitsù mú alí, mí é anya ọ́kpa tsú iwí kpalobí. <sup>17</sup> Aní Wíe tamatí alí, táme nabwé iwí fé ọ́ha mimláhẹ. <sup>18</sup> Ahá tsọ́tsọ́tsọ́ bọ́totsú iwí fé ọ́yítọ́ ahá, sù mí é nótsu iwí. <sup>19</sup> Ee á, iníá mlíaa atiansipu mligyí óó

á, mlitotsúlá há aha mimláhe. <sup>20</sup> Tsúfé ní òkú òpó mlí bwé nkpábi kóráá á, mlitotsúlá. Ní òpó mlí nyá ɪwɪ, ogyi iwíe mlísu, obú mlí tǎkú odu, òdá mlí ɪsoto kóráá á, mlitotsúlá há mu. <sup>21</sup> Mliá mma ansító-ònlín. Ee, natsúlá. Mí klé ma ɪnu.

Táme tógyítá òkú labwé òdeputú ɪwɪ á, mí é nétalí pú mí klé tsú ɪwɪ. (Táme nahogyi ání igyi mimlála.) <sup>22</sup> Ní bɛɛ Hebrifó búgyi á, mí é Hebriyin ngyi. Ní Israelfó é búgyi á, Israelyin mí é ngyi. Ní bɛɛ botsú Abraham abí-anátó a, ɪnu mí é notsú ní. <sup>23</sup> Bɛɛ Kristo asúmpó búgyi? Mblí mú mimlásu, ndun amó! Nayírɪ ɪwɪ yó agyómá dun amó. Nadí obu dun amó. Badá mí dun amó. Nesian wu bré tsòtsòtsòtò. <sup>24</sup> Yudafó banwén mí mplí tsé advasa-kwebá (39) tse nu kéké. <sup>25</sup> Romafó é bapítí mí ató tse sa kéké. Bɛda mí abwi òsáwòlɛ. Tse sa kéké ntsusu-yibi labun mí, nasin ntsutso ekewólɛ owító. <sup>26</sup> Mí òkpa tsòtsòtsò tutó á, nafá ntsu akpònkpònti, natsun ogyo atswapó ɪbitò dáli. Natsun òmá bámbásófó pú anɪ pɪ Yudafó fée ɪbitò dáli. Natsun awúlusu pú adimbísó, nafá òpu. Natsun ahá ámóó buɛ amó ɪwɪ ti bɛɛ, Akristofó ámu aná fée ɪbitò dáli. <sup>27</sup> Nayó agyómá kpékpé, ɪlapián mí kí. Ntamadídí nkekó. Ntetsiá akón múa òmewóli, nteklí ònó, ntedí atsali, náti yayá aná fée. <sup>28</sup> ɪni fée òma a, tóá ɪdín mí klonsu, ntogywín mú ɪwɪ ekekegyíeke gyí òpasua ámu fée aléwa. <sup>29</sup> Ma lópon, mmotsu kòkú lé mu asóntó? Ma bɛkpa wá lakpantò, ɪmòwa mí òbló.

<sup>30</sup> Ní bɛɛ ntsú ɪwɪ á, ntobíá itehá mí hógyi tɛba asɪ nòputú ɪwɪ. <sup>31</sup> Bulu, ogyí anɪ Wíe Yesu mu Sɪ, òlekanáa kanfó bré féeótó ámu yin ání mmɛdé afunu wa. <sup>32</sup> Owíe dehen Areta léha mu òmású òkípú léyete mi Damasko wúlu ònó, òkita mí. <sup>33</sup> Táme bòpu mí

wá lakpátó, lé mí tson ikwitó, kplí mí yi buntíi ání  
bɔpwe wá wúlu amu ɔma, nesrí sí mu.

## 12

### *Paulo Atowunhe Pó Mv Atɔ Lesúndhé*

<sup>1</sup> Ilehíán ání nótsu iwí, táme tɔtɔtɔ uma iwitsútó. Táme mbli atóá nowun pó tóá aní Wie lalé suná mí. <sup>2</sup> Nfi dúana (14) ní, bɔwan mi ya ɔsúsú saasitɔ. (Mí nyankpɔsa-oyí lóyɔ inu o, mí ɔkláa o, mméetalí bí. Bulu nkɔle yín.) <sup>3-4</sup> Fé alíá nakóblí á, bɔwan mi ya Paradiso. (Mí nyankpɔsa-oyí lóyɔ inu o, mí ɔkláa o, mméetalí bí. Bulu nkɔle yín.) Nonu asún ání uma blító, ɔhaa é má ɔkpa blí mú. <sup>5</sup> Nétalí pó itó ámúbú nowun amu tsú iwí, táme mmóɔpɔ mí atɔ bwehé tsú iwí. Ntobíá itehá mí ɔwonlín ɔnó tɛba así ntɔpútsú iwí. <sup>6</sup> Ní mbéé nótsu iwí kúráá á, mmóotsu iwí fé ɔha mimláhe, tsúfé nébli ɔnɔkwali. Táme mmóɔbwe. Mmedékléá ɔhaa ɔkú mi dafa alíá mí tsiátó gyí, ntée asún ámúbú nɔpɔba amu.

<sup>7</sup> Alíá mmóɔpɔ ntobí ánfí ɔbɔwán, ɔbɔwán wánwan, Bulu lalé suná mí ánfí tsú iwí sɔ á, ɔlɔpɔ owu kv wá mí awútó, igyi ɔbɔnsám-ɔbɔpɔ. Itedá wɔ mí, méní mmóotsu iwí. <sup>8</sup> Nakókóli aní Wie Yesu tse sa kéké mbéé, ɔlé itó ámu mító. <sup>9</sup> Táme asún ání ɔtebláa mi brégyíbré gyí, “Mí awitɔle pé gyí tóá fehíán. Tsúfé ɔhá ání mu ɔwonlín ɔnó laba asitɔ mí túmi tehié lun ɔwan.” Iní sɔ ɔbɔwán mi ansigyí ání nópɔ tóá itehá mí ɔwonlín ɔnó tɛba así tsú iwí, méní Kristo túmi ámu ɔbéhíe bun misɔ. <sup>10</sup> Kristo sɔ ansí bégyi mi brégyíbré. Ní mí ɔwonlín ɔnó ɔba así, bɔde mí sia, mbu ikplántɔ, bɔdín misú, ntée iwí de mí ɔsin, tsúfé ní mí ɔwonlín ɔnó ɔba así á, mú ntelányá ɔwonlín ní.

*Korinto ɔpasua Iwi Asún*

11 Nabwé iwí fé ðha mimláhe, táme mluláhá ilaba alí. Teki ilehián ání mléblí ason wankláán tsú mí iwí. Tsúfé ibu mótóá mme gyí tótó, táme ndon “sumbí ayópó akpònkpòntí” ánfí mú. 12 Bréá mbu mlí wá á, notomí bwé tóá ibu wánwan pú osúna móa ofúla òtsan-òtsan, pósúná mlí ání lélé sumbí òyópó ngyí. 13 Ntò dé mlí háan? Tóá nòbwe mlítò, mmòbwe òpasua bámbátó gyí, mmesi iwí tswí mlísv. Kókoli, mlí sikie mí!

14 Séi á, otse saasi ndebweá néba mlí wá á. Mméeba besi iwí tswí mlísv, tsúfé mmedé tótó fité tsú mlí wá. Mlí onutó ndehián. Kebi tamatsú mu sí wá akònkò, mu sí tótsú mu wá akònkò. 15 Ibu mí òdweá néyintá tógyítóá mbu mlí sv, sí mí iwí féé kóráá há mlí. Iníá nde mlí dwe òbó alí á, ntogyí sv òdweá mlí mú mlísv há mísó dedínkí?

16 Fíalí mlílawun ání lélé, mmeba besi iwí tswí mlísv, táme mlídéblí mlíaa, nofwifwí ansí. Ndepu ató tson mlí omuá wá mlí ònó. 17 Òkpa òmòmòsv? Nòtson ahá ámúú nòwa mlí wá ámòtò òkòsv sísi mlí lóó? 18 Bréá nokokóli Tito, nòwa mva aní pío Okristoyin amò mlí wá mé, olebesisíi mlí? Ekekèeke! Tsúfé agywun kule mía mnyò anidépòbwé toku kule.

19 Fíalí mlídé mú tsu bré ánfítò féé mlíaa, anidétóí póká iwí lé. Megyí alí ígyí. Akristofó anígyí, anidétóí Bulu ansító. Mí adwepó, anidé tógyító bwe pówá mlí òwònlín. 20 Tsúfé ifú de mí ání néba mlímétsíe wankláán. Mú sv mí ason blíhé bówò mlí asòtò. Fíalí nóbòtò ìtré, ònsipe, òbló, olu, ahásia, ahá iwí asónblí, iwítsú pú abasòda mlítò. 21 Nhíé nde ifú nya ání ní nebá unò á, mí Bulu òbétrá ba mí así mlí sv. Nòsu, tsúfé mlítò ako mlímókúsí mlí lakpan

dada amv bwe, dámlí klontó sí mbuató, hakpanla pú ówólí laláhe amv.

## 13

### *Iklá Pó Oláda*

<sup>1</sup> Otse saasi nebá mli wá á. Bulu asón leblí óbée, “Asa mléha óku ipón á, mlinu adansifó abanyó ntée abasá ónó.” <sup>2</sup> Bréá neba mli wá otse nyóosi a, neda ahá ámúú bude lakpan bwe ámu fée olá. Ntráa nde amóa aha tráhe fée olá da, tsúfé ní nebá inu á, néhie bíti amú isu. <sup>3</sup> Tsúfé mlidékléá mlébi ání lélé Kristo détóí tson misu. Kristo ówonlín ónó mǎkóba asi mliṭó. Mv túmi é ihíé tsó mliṭó. <sup>4</sup> Ibu mótóá mv oyikpalíhesu lowu ilosuná ání alapón, táme séi á, otsie nkpa Bulu túmitó. Bréá ania monyó anilóbwe kule a, anilópón, táme séi ania monyó anitsie nkpa Bulu túmitó. Mú anidépokpá mli ní.

<sup>5</sup> Mliyó mli nwuntó kí bée, ahógyipv onutó mli gyí? Mlikapv mli iwí kí bée, lélé Kristo Yesu bu mliṭó? Mlilawun ání óbu mliṭó? Ní mli mǎkówun mv mliṭó mú á, múmú megyí ahógyipv onutó mli gyí. <sup>6</sup> Nahogyiá mléba bebi ání Kristo ahógyipv onutó anigyí. <sup>7</sup> Anidé Bulu kokóli aniaa, mli mátrá bwe lalahé kuku. Megyí aliá ibósuná ání anigyí Kristo ahógyipv onutó sv. Táme ní ahá budekú bée megyí Kristo ahógyipv onutó anigyí ó á, óhá mli mú amlibwe tóá ida ókpa. <sup>8</sup> Tsúfé aní mú animéetalí kúsú líí ónǎkwali asón ámvsu, don ání abéha mú ibóyó nkpá wule. <sup>9</sup> Ní aní mú aní ówonlín ónó laba asi, mli klé ilawá onlin á, ansí bégyi aní. Tóá anidé Bulu kulí gyí, óhá amlilalu kí nkíínkín, amlidan Kristo hógyitó. <sup>10</sup> Iní só nagyankpá nde ówolú áñfi wanlín sísí mli, asa amba inu ní. Méni ní nebá á,

mmóobotsu ibi mliṣu. Tsúfě ndekléá nópṣ túmi ámúú aní Wíe lapóhá mí ámṣ búa mli amlidan. Mmóṣṣoyíntá mli.

<sup>11</sup> Apíó, ítráhe a, ansí igyí mli. Mliṣo mbódí amlilu kinkíinkín, amlidan Kristo hógyitṣ. Mliwa aba ṣwónlín. Mli agywun ibwé kole, amlitsia iwilwiitṣ, méní Bulu ámúú ṣṣṣwé aní, ṣtehá aní iwilwii amṣ obétsiá mliṣo bré fěé. Nehá mli itsiá gyágyáágyá.

<sup>12</sup> Mliha aba itsiá, amlilata aba puta ṣṣwṣṣ.

Bulu ahá ámúú bṣbṣ nfi ámṣ fěé behá mli itsiá gyágyáágyá.

<sup>13</sup> Aní Wíe Yesu Kristo bṣalegyí, Bulu ṣṣwṣṣ pṣ Ṣṣhe Wankíhé kolebṣṣ itsiá mli fěésú.



**Bulu ntam pɔpwɛ; Nkonya**  
**New Testament in Nkonya (GH:nko:Nkonya)**

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Nkonya

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503